

Pupavac (*Upupa epops*) kod sela Svitava u januaru 2008. - prvi podatak za Bosnu i Hercegovinu u zimskom periodu

A Hoopoe (*Upupa epops*) near the village Svitava in January 2008 – first winter record for Bosnia-Herzegovina: On January 8th 2008 a singing Hoopoe was heard and a few minutes later a flying specimen was observed on the mountain ridge between the lakes Svitavasko and Deransko Jezero at the edge of Hutovo Blato National Park. This is the first winter record for the species in Bosnia and Herzegovina.

Većina zapadnopalearktičkih populacija pupavca (*Upupa epops*) zimuje u Africi, južno od Sahare. Pored toga, mali broj redovno prezimljuje duž atlantskih i sredozemnih obala Pirinejskog poluotoka, Sicilije i sjeverne Afrike, dok je samo neznatan broj zimovanja (novembar-januar) zabilježen u Britaniji, Švicarskoj, Njemačkoj i istočnoj Austriji [Glutz von Blotzheim, U. N. & Bauer, K. M., 1980: Handbuch der Vögel Mitteleuropas, Bd. 9. Akad. Verlagsgesellschaft, Wiesbaden; Dymond, J. N., Fraser, P. A. & M. Gantlett, S. J., 1989: Rare Birds in Britain and Ireland.; Poyser, A. D., Calton, T., Maumary, C., Valloton, L., & Knaus, P., 2007: Die Vögel der Schweiz. Schweizerische Vogelwarte, Sempach & Nos Oiseaux, Montmollin.]. Dana 08.01.2008. godine (dan sunčan i gotovo bez vjetra s maksimalnim temperaturama oko 12-14°C) prebrojavali smo vodene ptice duž donjeg toka Neretve, na Svitavskom i Deranskom jezeru na rubu Hutovog blata, EURONATUR Nacionalnog parka. Iznenadili smo se kada smo, oko 14 sati, na usponu, 150-200 m visok greben između Svitave i Hutovog blata, začuli tiho, ali karakteristično monotono glasanje pupavca. Ptica je pjevala dvije-tri minute s kratkim prekidima, iz makije koja pokriva jugozapadne padine brda, oko 50 m ispod grebena. Nekoliko minuta kasnije, nakon što smo prešli greben, dva puta smo nakratko zapazili usamljenog pupavca, najvjerovatnije istu jedinku, kako se hrani nekoliko metara od staze u 3-4 m visokoj makiji na sjevernoj strani planine. Po našim saznanjima ovo je prvi podatak o ovoj vrsti u zimskom periodu za Bosnu i Hercegovinu i Balkanski poluotok, uključujući kopneni dio Grčke i otoke u Egejskom moru [Handrinos, G. & Akriotis, T., 1997: The Birds of Greece. Ch. Helm, London.].

Peter Sackl¹ i Davorka Kitonić²

¹Steiermärkisches Landesmuseum Joanneum, Forschungsstätte Furtnersteich, Raubergasse 10, A – 8010 Graz, Austria; peter.sackl@museum-joanneum.at

²Crepina 44, HR – 20355 Opuzen, Croatia, davorka.kitonic@st.t-com.hr